

卷二十

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖兮玄黃判離太極既殊是生兩儀星辰煥列日月
 重規兮動以尊地靜以卑尋明迭炤或盈或虧陰陽協
 氣兮謝寒暑隨時而推移三才殊性五行異位千變
 萬化兮育庶類授之以形稟之以氣色表文采聲有音
 律焉無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷二十
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300
 東洋文化研究所漢籍目錄所藏漢籍善本全文影像資料庫 索書號: 大木-集部-總集類-3
 漢籍善本全文影像資料庫文本廣文選八十二卷 嘉靖十二年序刊本
 版權所有: 東京大學 東洋文化研究所
 使用上的注意事項

唐秋蓮花過人頭低頭美蓮子蓮子清如水置蓮懷袖
中蓮花徹底紅憶郎郎不至仰首望飛鴻鴻飛浦西洲
望郎上青樓樓高望不見盡日欄干頭欄干十二曲垂
手明如玉卷簾天自高海水搖空綠海水夢悠悠君愁
我亦愁南風知我意吹夢到西洲

長干曲

逆浪故相邀菱舟不怕搖妾家楊子住便美廣陵潮

廣文選卷第十九

江都葛澗校

廣文選卷第二十

明通議大夫都察院右副都御史大庾劉節廣

詩

樂府三

同聲歌

張平子

邂逅承際會得充君後房情好新交接恐慄若探湯不
才勉自竭賤妾職所當綢繆主中饋奉禮助烝嘗思惟
苑弱席在下蔽匡牀願得羅衾幃在上衛風霜灑掃清
枕席鞞芬以狄香重戶納金局高下華燈光衣解巾粉
御列圖陳枕張素女爲我師儀容盈萬方衆夫所希見
天老教軒皇樂莫思夜樂沒齒焉可忘

董嬌饒

宋子侯

洛陽城東路桃李主路傍花花自相對葉葉自相當春
風東北起花葉正低昂不知誰家子提籠行採桑纖手
折其枝花落何飄颻請謝彼妹子何爲見損傷高秋八
九月白露變爲霜終年會飄墮安得久馨香秋時自零
落春月自芬芳何時盛年去懽愛未相忘吾欲竟此曲
此曲愁人腸歸來酌美酒挾瑟上高堂

梁甫吟

諸葛孔明

步出齊城門遙望蕩陰里里中有三墓累累正相似問
是誰家墓田疆古冶子力能排南山文能絕地紀一朝
被讒言二桃殺三士誰能爲此謀國相齊晏子

碣石篇 四首

曹孟德

東臨碣石以觀滄海水何澹澹山島竦峙樹木叢生百
草豐茂秋風蕭瑟洪波湧起日月之行若出其中星漢
燦爛若出其裏幸甚至哉歌以詠志

右觀滄海

孟冬十月北風徘徊天氣肅清繁霜霏霏鷓鴣晨鳴雁
過南飛鷺鳥潛藏熊羆窟棲錢鏹停置農收積場逆旅
整設以通商賈幸甚至哉歌以詠志

右冬十月

鄉土不同河朔隆寒流澌浮漂舟船行難雖不入地豐
籟深奧水竭不流水堅可蹈士隱者貧勇俠輕非心常
歎怨戚戚多悲幸甚至哉歌以詠志

右土不同

神龜雖壽猶有竟時騰蛇乘霧終爲土灰老驥伏櫪志

在千里烈士暮年壯心不已盈縮之期不但在天養怡之福可得末年幸甚至哉歌以詠志

右龜雖壽

度關山

曹孟德

天地間人為貴立君牧民為之軌則車轍馬迹經緯四極黜陟幽明黎庶繁息於鑠賢聖摠統邦域封建五爵井田刑獄有燔丹書無普救贖臯陶甫侯何有失職嗟哉後世改制易律勞民為君役賦其力舜漆食器畔者十國不及唐堯采掾不斷世嘆伯夷欲以厲俗侈惡之大儉為共德許由推讓豈有訟曲兼愛尚同疏者為戚

陌上桑

曹孟德

駕紅霓乘赤雲登彼九疑歷崑崙門濟天漢至崑崙見西王母謁東君交赤松及羨門受要祕道愛精神食芝英飲醴泉拄杖桂枝佩秋蘭絕人事遊渾元若疾風遊歛飄飄景未移行數數千壽如南山不忘愆

短歌行

曹孟德

周西伯昌懷此聖德三分天下而有其二修奉貢獻臣節不墜崇侯讒之是以拘繫解後見赦原賜之斧鉞得使征伐為仲尼所稱逮及德行猶奉事殷論敘其美二解齊桓之功為霸之首九合諸侯一匡天下一匡天下不以兵車正而不譎其德傳稱三解孔子所歎并稱夷吾民受其恩賜與廟胙命無下拜小白不敢爾天威在顏咫尺四解晉文亦霸躬奉天王受賜珪瓚和鬯彤弓盧弓矢千虎賁三百人五解威服諸侯師之者尊八方聞之名亞

齊桓河陽之會詐稱周王是其名紛葩六解

秋胡行

曹孟德

願登泰華山神人共遠遊願登泰華山神人共遠遊經
歷崑崙山到蓬萊飄飄八極與神人俱思得神藥萬歲
為期歌以言志願登泰華山一解天地何長久人道居之
短天地何長久人道居之短世言伯陽殊不知老赤松
王喬亦云得道得之未聞庶以壽考歌以言志天地何
長久二解明明月光何所不光昭明明月光何所不
光昭二儀合聖化貴者獨人不萬或率土莫非王臣仁
義為名禮樂為榮歌以言志明明明月光三解四時更逝
去晝夜以成歲四時更逝去晝夜以成歲大人先天而
天弗違不戚年往憂世不治存亡有命慮之為蚩歌以
言志四時更逝去四解戚戚欲何念五解
惠殊不再來愛時進趣將以惠誰汎汎放逸亦同何為
歌以言志戚戚欲何念五解

善哉行

曹孟德

古公亶甫積德垂仁思弘一道哲王於邇一解太伯仲雍
王德之仁行施百世斷髮文身二解伯夷叔齊古之遺賢
讓國不用餓殍首山三解智哉山甫相彼宣王何用杜伯
累我聖賢四解齊桓之霸賴得仲父後任豎刁蟲流出戶
五解晏子平仲積德兼仁與世沈德未必思命六解仲尼之
世王國為君隨制飲酒揚波使官七解

對酒

曹孟德

對酒歌太平時吏不呼門王者賢且明宰相股肱皆忠

良咸禮讓民無所爭訟三年耕有九年儲倉穀滿盈斑
白不負戴雨澤如此百穀用成却走馬以糞其上田爵
公侯伯子男咸愛其民以黜陟幽明子養有若父與兄
犯禮法輕重隨其刑路無拾遺之私囹圄空虛冬節不
斷人耄耆皆得以壽終恩德廣及草木昆蟲

唐上行

曹孟德

蒲生我池中其葉何離離旁能行仁義莫若妾自知衆
口鑠黃金使君生別離念君去我時獨愁常苦悲想見
君顏色感結傷心脾念君常苦悲夜夜不能寐莫以豪
賢故棄捐素所愛莫以魚肉賤棄捐葱與韭莫以麻枲
賤棄捐管與蒯出亦復苦愁入亦復苦愁邊地多悲風
樹木何脩脩從君致獨樂延年壽千秋

却東西門行

曹孟德

鴻鴈出塞北乃在無人鄉舉翅萬里餘行止自成行冬
節食南稻春日復北翔田中有轉蓬隨風遠飄揚長與
故根絕萬歲不相當柰何此征夫安得去四方戎馬不
解鞍鎧甲不離旁冉冉老將至何時返故鄉神龍藏深
泉猛獸步高崗狐死歸首丘故鄉安可忘

精列

曹孟德

厥初生造化之陶物莫不有終期莫不有終期聖賢不
能免何爲懷此憂願螭龍之駕思想崑崙居思想崑崙
層見期於迂恠志意在蓬萊志意在蓬萊周孔聖祖落
會稽以墳丘會稽以墳丘陶陶誰家度君子以弗憂年
之暮柰何時過時來微

善哉行

魏文帝

有美一人婉如清揚妍姿巧笑和媚心腸知音識曲善
爲樂方哀弦微妙清氣含芳流鄭激楚度宮中商感心
動耳綺麗難忘離鳥夕宿在彼中洲延頸鼓翼悲鳴相
求眷然顧之使我心愁嗟爾昔人何以忘憂

燕歌行

魏文帝

別日何易會日難山川悠遠路漫漫鬱陶思君未敢言
寄書浮雲往不還涕零雨面毀容顏誰能懷憂獨不嘆
展詩清歌聊自寬樂往哀來摧肺肝耿耿伏枕不能眠
披衣出戶步東西仰看星月觀雲間飛鶴晨鳴聲可憐
留連顧懷不能存

上留田行

魏文帝

居世一何不同上留田富人食稻與粟上留田貧子食
糟與糠上留田貧賤一何傷上留田祿命懸在蒼天上
留田今爾嘆息將欲誰怨上留田

月重輪行

魏文帝

三辰垂光照臨四海煥哉何煌煌悠悠與天地久長愚
見目前聖覩萬年明闇相絕何可勝言

陌上桑

魏文帝

棄故鄉離室宅遠從軍旅萬里客披荆棘求阡陌側足
獨窘步路局窄虎豹嗥動鷄驚禽失羣鳴相索登南山
柰何蹈盤石樹木叢生鬱羗錯寢蒿草蔭松柏涕泣雨
面霑枕席伴旅單稍稍日零落惆悵竊自怜相痛惜

短歌行

魏文帝

仰瞻帷幕俯察几筵其物如故其人^一不存解神靈倏忽
棄我遐遷靡瞻靡恃泣涕連連二叨叨遊鹿街草鳴麇
翩翩飛鳥挾子巢棲三我獨孤筦懷此百離憂心孔疚
莫我能知四人亦有言憂令人老嗟我白髮生一何早
^五長吟未歎懷我聖考曰仁者壽胡不是保六解

折楊柳行

魏文帝

西山一何高高高殊無極上有兩僂僂不飲亦不食與
我一丸藥光耀有五色一服藥四五日身體生羽翼輕
舉乘浮雲倏忽行萬億流覽觀四海茫茫非所識二彭
祖稱七百悠悠安可原老聃適西戎于今竟不還王喬
假虛辭赤松垂空言三達人識真偽愚夫好妄傳追念
往古事憤憤千萬端百家多迂恠聖道我所瞻四解

豔歌何嘗行

魏文帝

何嘗快獨無憂但當飲醇酒炙肥牛一長兄爲二千石
中兄被貂裘二小弟雖無官爵鞍馬馭駭往來王侯長
者遊三但當在王侯殿上快獨檣蒲六博坐對彈碁四
男兒居世各當努力蹙迫日暮殊不久當五少小相觸
抵寒苦常相隨忿恚安足諍吾中道與卿共別離約身
奉事若禮節不可虧上慙滄浪之天下顧黃口小兒柰
何復老心皇皇獨悲誰能知

煌煌京洛行

魏文帝

天天園桃無子空長虛美難假偏輪不行一淮陰五刑
鳥得弓藏保身全名獨有子房大憤不收褒衣無帶多
言寡誠祇令事敗二蘇秦之說六國以亡傾側賣主車

裂固當賢矣陳軫忠而有謀楚懷不從禍卒不救三解禍
夫吳起智小謀大西河何健伏尸何劣四解嗟彼郭生古
之雅人智矣燕昭可謂得臣峩峩仲連齊之高士北辭
千金東蹈滄海五解

十五

魏文帝

登山而遠望谿谷多所有梗柎千餘尺衆草之盛茂蔘
葉耀人目五色難可紀雉雉山鷄鳴虎嘯谷風起號罷
當我道狂顧動牙齒

大牆上蒿行

魏文帝

陽春無不長成草木羣類隨大風起零落若何翩翩中
心獨立一何榮四時舍我驅馳今我隱約欲何爲爲人生
居天壤間忽如飛鳥栖枯枝我今隱約欲何爲爲適躋身
體所服何不恣君口腹所嘗冬被貂氈溫暖夏當服綺
羅輕涼行力自苦我將欲何爲不及君少壯之時乘堅
車策肥馬良上有倉浪之天今我難得久來視下有蠕
蠕之地今我難得久來履何不恣意遨遊從君所喜帶
我寶劔今爾何爲自低昂悲麗平壯觀白如積雪利若
秋霜駁犀標首玉琢中央帝王所服辟除凶殃御左右
柰何致福祥吳之辟閭越之步光楚之龍泉韓有墨陽
苗山之鋌羊頭之鋼知名前伐咸自謂麗且美曾不知
君劔良綺難忘冠青雲之崔嵬織羅爲纓飾以翠翰旣
美且輕表容儀俯仰垂光榮宋之章甫齊之高冠亦自
謂美蓋何足觀排金鋪坐玉堂風塵不起天氣清涼奏
桓瑟舞趙倡女娥長歌聲協宮商感心動耳蕩氣回腸

酌桂酒鱸鯉鮪與佳人期為樂康前奉玉卮為我行觴
今日樂不可忘樂未央為樂當苦遲歲月逝忽若飛何
為自苦使我心悲

秋胡行

魏文帝

堯任舜禹當復何為百獸率舞鳳皇來儀得人則安失
人則危惟賢知賢人不易知歌以誅言誠不易移鳴條
之役萬舉必全明德通靈降福自天

丹霞蔽日

魏文帝

丹霞蔽日采虹垂天谷水潏潏木落翩翩孤禽失羣悲
鳴雲間月盈則冲華不再繁古來有之嗟我何言

佳人期

魏文帝

朝與佳人期日夕殊不來嘉肴不嘗旨酒停盃寄言飛
鳥告余不能俯折蘭黃仰結佳枝佳人不在此何為
從爾何所之乃在大海隅靈若道言貽爾明珠企予望
之步立踟躕佳人不來何得斯須

浮萍篇

魏文帝

汎汎綠池中有浮萍寄身流波隨風靡傾芙蓉含芳齒
菡垂榮朝采其實夕采其榮采之儀誰所思在庭雙魚
比目鴛鴦交頸有美一人婉如清揚知音識曲善為藥
方

桂之樹行

曹子建

桂之樹桂之樹桂生一何麗佳揚朱華而翠葉流芳布
天涯上有棲鸞下有盤螭桂之樹得道之真人咸來會
講僊教爾服食日精要道甚省不煩淡泊無為自然乘

躋萬里之外去留隨意所欲存高高上際於衆外下下
乃窮極地天

怨歌行

曹子建

爲君旣不易爲臣良獨難忠信事不顯乃有見疑患周
公佐成王金滕功不刊推心輔王室二叔反流言待罪
居東國泣涕常流連皇靈大動變震雷風且寒拔樹偃
秋稼天威不可干素服開金滕感悟求其端公旦事旣
顯成王乃哀嘆吾欲竟此曲此曲悲且長今日樂相樂
別後莫相忘

遠遊篇

曹子建

遠遊臨四海俯仰觀洪波大魚若曲陵承浪相經過靈
魚戴方丈神嶽儼嵯峨仙人翔其隅玉女戲其阿瓊蕊
可療饑仰首吸朝霞崑崙本吾宅中州非我家將歸謁
東父一舉超流沙鼓翼舞時風長嘯激清歌金石固易
蔽日月同光華齊年與天地萬乘安足多

浮萍篇

曹子建

浮萍寄清水隨風東西流結髮辭嚴親來爲君子仇各
勤在朝夕無端獲罪尤在昔蒙恩惠和樂如瑟琴何意
今摧頽曠古商與參茱萸自有芳不若桂與蘭新人雖
可愛不若故所懽行雲有反期君恩儻中還慊慊仰天
嘆愁心將何訴日月不恒處人生忽若寓悲風未入帷
淚下如垂露發愜造新衣裁縫紈與素

僊人篇

曹子建

僊人攬六著對博大山隅湘娥拊琴瑟秦女吹笙竽玉

樽盈桂酒河伯見神魚四海一何局九州安所如韓終
與王喬要我於天衢萬里不足步輕舉凌太虛飛騰踰
景雲高風吹我軀迴駕觀紫微與帝合靈符闔闔正峩
我雙闕萬丈餘玉樹扶道生白虎夾門樞驅風游四海
東過王母廬俯觀五嶽間人生如寄居潛光養羽翼進
趨且徐徐不見軒轅氏乘龍出鼎湖徘徊九天上與爾
長相須

惟漢篇

曹子建

太極定二儀清濁始以形三光炤八極天道其著明爲
人立君長欲以遂其生行仁章以瑞變故誠驕盈神高
而聽卑報若響應聲明主敬細微三季曹天經三皇禰
至化盛哉唐虞庭禹湯繼厥德周亦致太平在昔懷帝
京日臭不敢寧濟濟在公朝萬載馳其名

飛龍篇

曹子建

晨遊泰山雲霧窈窕忽逢二童顏色鮮好乘彼白鹿手
翳芝草我知真人長跪問道西登玉堂金樓復道授我
仙藥神皇所造教我服食還精補腦壽同金石末世難
老

吁嗟篇

曹子建

吁嗟此轉蓬居世何獨然長去本根逝夙夜無休閒東
西經七陌南北越九阡卒遇回風起吹我入雲間自謂
終天路忽然下沉泉驚飈接我去故歸彼中田當南而
更北謂東而反西宕若當何依忽忘而反存飄飄周八
澤連翩歷五山流轉無恒處誰知吾苦艱願爲中林草

秋隨野火燔糜滅豈不痛願與根荻連

種葛篇

曹子建

種葛南山下葛藟自成陰與君初婚時結髮恩義深
懽愛在枕席宿昔同衣衾竊慕棠棣篇好樂和瑟琴行年
將晚莫佳人懷異心恩紀曠不接我情遂抑沉出門當
何顧徘徊步北林下有交頸獸仰見雙棲禽攀枝長嘆
息淚下霑羅襟良馬知我悲延頸代我吟昔爲同池魚
今爲商與參往古皆歡遇我獨困於今棄置爲天命悠
悠安可任

鬪鷄篇

曹子建

遊目極妙伎清聽厭官商主人寂無爲衆賓進樂方長
進坐戲客鬪鷄觀閑房羣雄正翕赫雙翅自飛揚揮羽
邊清風悍目發朱光紫落輕毛散嚴距往往傷長鳴入
青雲扇翼獨翱翔願蒙狸膏助常得擅此場

泰山梁甫行

曹子建

八方各異氣千里殊風雨劇哉邊海民寄身於草墅妻
子像禽獸行止依林阻柴門何蕭條孤兔翔我宇

妾薄命二首

曹子建

攜玉手喜同車北上雲閣飛除釣臺蹇產清虛池塘觀
沼可娛仰泛龍舟綠波俯擢神草枝柯想彼宓妃洛河
退詠漢女湘娥

日月旣逝西藏更會蘭室洞房華燈步障舒光皎若日
出扶桑促樽合坐行觴主人起舞盜盤能者穴觸別端
騰觚飛爵闌干同量等色齊顏任意交屬所歡朱顏發

外形蘭袖隨禮容極情妙舞僊僊體輕裳解履遺絕纓
俛仰笑喧無呈覽持佳人玉顏齊舉金爵翠盤手形羅
袖良難腕弱不勝珠環坐者嘆息舒顏御巾裏粉君傍
中有霍納都梁鷄舌五味雜香進者何人齊姜恩重愛
深難忘召延親好宴私但歌杯來何遲客賦既醉言歸
主人稱露未晞

驅車篇

曹子建

驅車掉駑馬東到奉高城神哉彼泰山五嶽專其名隆
高貫雲霓峩峩出太清周流二六侯間置十二亭上有
涌醴泉玉石揚華英東北望吳野西眺觀日精鬼神所
繫屬逝者感斯征王者以歸天效厥元功成歷代無不
遵禮記有品程探策或長短唯德亨利貞封者七十帝
軒皇元獨靈食漱沆瀣毛羽被身形發舉蹈虛廓徑延
升竊冥同壽東父年曠代末長生

種瓜篇

魏明帝

種瓜東井上冉冉自踰垣與君新爲婚瓜葛相結連寄
託不肖軀有如倚泰山兔絲無根株蔓延自登緣萍藻
託清流常恐身不全被蒙丘山惠賤妾執拳拳天日照
知之想君亦俱然

善哉行

魏明帝

我徂我征伐彼蠻膚練師簡卒爰正其旅輕舟竟川初
鴻依浦桓桓猛毅如羆如虎發枹若雷吐氣如雨旄旌
指麾進退應矩百馬齊轡御由造父休休六軍咸同斯
武兼塗皇邁亮茲行阻行行日遠西背京許遊弗淹旬

遂屆揚土奔寇震懼莫敢當御虎臣列將悌鬱充怒淮
泗肅清奮揚微所運德曜威惟鎮惟撫反旆言歸旆入
皇祖

權歌行

魏明帝

王者布大化配乾稽后祗陽育則陰殺晷景應度移一解
文德以時振武功伐不隨重華舞干戚有苗服從媯二解
蠢爾吳中虜憑江樓山阻哀哉王士民瞻仰靡依怙三解
皇上悼愍斯宿昔奮天怒發我許昌宮列舟千長浦四解
翌日乘波揚棹歌悲且涼太常拂白日旗幟紛設張五解
將抗旄與鉞耀威於彼方伐罪以吊民清我東南疆六解

燕歌行

魏明帝

白日婉婉忽西傾霜露慘凄凄金階庭秋草捲葉摧枝莖
白曰婉婉忽西傾霜露慘凄凄金階庭秋草捲葉摧枝莖

長歌行

魏明帝

靜夜不能寐耳聽衆禽鳴大城育狐兔高墉多鳥聲壞
宇何寥廓宿屋邪草生中心感時物撫劔下前庭翔祥
於階際景星一何明仰首觀靈宿北辰奮休榮哀彼失
羣燕喪偶獨筑筑单心誰與侶造房孰與成徒然喟有
和悲慘傷人情餘情偏易感懷往增憤盈吐吟音不徹
泣涕沾羅纓

步出夏門行

魏明帝

步出夏門東登首陽山嗟哉夷叔仲尼稱賢君子退讓
小人爭先惟斯二子于今稱傳林鍾受謝節改時遷日
月不居誰得久存善哉殊復善絃歌樂情一解商風夕起

悲彼秋蟬變形易色隨風東西乃眷西顧雲霧相連丹
霞蔽日彩虹帶天弱水潺潺葉落翩翩孤禽失羣悲鳴
其間善哉殊復善悲鳴在鳴其間二解朝遊青冷日暮嗟
歸蹶迫日暮烏鵲南飛繞樹三匝何枝可依卒逢風雨
樹折枝摧雄來驚雌雌獨愁棲夜失羣侶悲鳴徘徊芄
芄荆棘葛生綿綿感彼風人惆悵自憐月盈則冲華不
再繁古來之說嗟哉一言

樂府

魏明帝

昭昭素明月暉光燭我牀憂人不能寐耿耿夜何長微
風衝閨闥羅帷自飄颺攬衣曳長帶縱屣下高堂東西
安所之徘徊以徬徨春鳥何南飛翩翩獨翱翔悲聲命
儔匹哀鳴傷我腸感物懷所思泣涕忽沾裳佇立吐高

吟舒憤新寄蒼

苦寒行

魏明帝

悠悠發洛都并我征東行悠悠發洛都并我征東行征
行彌二旬屯吹龍陂城一解顧觀故壘處皇祖之所營故
壘處皇祖之所營屋室若平昔棟宇無邪傾二解柰何我
皇祖潛德隱聖形我皇祖潛德隱聖形雖沒而不朽書
匱垂休名三解光光我皇祖軒耀同其榮遺化布四海八
表以肅清四解雖有吳蜀寇春秋足耀兵吳蜀寇春秋足
耀兵徒悲我皇祖不享未百齡賦詩以寫懷伏軾淚霑

纓五解

短歌行

魏明帝

翩翩春鸞端集余堂陰匿陰顯節運自常厥貌淑美玄

衣素裳歸仁服德雌雄頡頏執志精專潔行馴良街土
繕巢有式宮房不規自圓無矩自方

廣文選卷第二十

江都葛澗校

廣文選卷第二十一

明通議大夫都察院右副都御史大庾劉節廣

詩

樂府四

飲馬長城窟行

陳孔璋

飲馬長城窟水寒傷馬骨往謂長城吏慎莫稽留太原
卒官作自有程舉築諧汝聲男兒寧當格鬪死何能怫
鬱築長城長城何連連連連三千里邊城多健少內舍
多寡婦作書與內舍便嫁莫留住善事新姑嫜時時念
我故夫子報書往邊地君今出語一何鄙身在禍難中
何為稽留他家子生男慎莫舉生女哺用脯君獨不見
長城下死人骸骨相撐拄結髮行事君慊慊心意關邊

